

房屋資訊短片

片名：居住情況及擁有香港住宅物業詳情申報表

主持人	香港房屋委員會由 2023 年 10 月起實施新措施，加強打擊濫用公屋，公屋租戶入住公屋單位後，須每兩年申報居住情況，同有冇擁有香港住宅物業
熒幕蓋字	加強打擊濫用公屋 每兩年申報居住情況及有否擁有香港住宅物業
主持人	以確保公屋資源得到善用 減少公屋被濫用嘅機會
熒幕蓋字	善用公屋資源 減少濫用機會
熒幕蓋字	表格分類
主持人	申報表會分批派發
熒幕蓋字	申報表會分批派發
主持人	第一批會喺 10 月 3 日派比入住公屋兩年至 8 年嘅租戶。為咗簡便行政安排，今個批次唔會包括全長者戶。全長者戶嘅申報表會隨較後嘅批次派發。
熒幕蓋字	第一批申報表會在 10 月 3 日派到租戶信箱 首批申報租戶不包括全長者戶
主持人	已入住公屋兩年以上，而仲未納入「富戶政策」下須要申報入息同資產嘅租戶，就要填報呢份「居住情況及擁有香港住宅物業詳情申報表」啦
熒幕蓋字	「居住情況及擁有香港住宅物業詳情申報表」
主持人	所有家庭成員都要申報居住情況同埋有無擁有香港住宅物業

熒幕蓋字	所有家庭成員均須申報
主持人	至於已經被納入「富戶政策」下須要申報入息、資產同埋有冇香港住宅物業嘅租戶，就只須填寫呢一份「居住情況申報表」
熒幕蓋字	「居住情況申報表」
主持人	喺填寫申報表前
熒幕蓋字	申報須知 「居住情況及擁有香港住宅物業詳情申報表」
主持人	應先仔細閱讀申報須知
主持人	喺簽署以上兩份申報表前，請細閱申報表嘅備註同各項聲明事項
熒幕蓋字	細閱備註及各項聲明事項
主持人	戶主同申報表上嘅所有 18 歲或以上家庭成員，都要簽署申報表，以確認所申報嘅資料正確， 18 歲以下家庭成員則無須簽署
熒幕蓋字	戶主簽署必須與租約上的簽署相同
主持人	申報表內所填報嘅資料，必須屬實。
熒幕蓋字	如實申報 所有資料
主持人	切勿作出虛假陳述，任何人在申報時明知而作出虛假陳述，即屬違法。一經定罪，可判罰款或監禁。
熒幕蓋字	虛假陳述 即屬違法
主持人	拒絕申報或有喺指定日期內申報嘅租戶，會被終止租約。

收到申報表嘅租戶，記得準時交番份申報表比房屋署呀。

熒幕蓋字

終止租約

主持人

如果大家有任何疑問，可以聯絡所屬屋邨辦事處或致電房委會熱線 2712 2712 或者係辦公時間內致電房屋署善用公屋資源分組專責熱線 3547 0881 查詢。

熒幕蓋字

查詢

房委會熱線 2712 2712

善用公屋資源分組專責熱線 3547 0881

ENDING